

Mysterium, geheimnis / vnd bleibet Mysterium,
um, Wers verstehet vnd mit ernst meinet / der
dancke Gott / vnd lere sich nicht an den an-
dern grossen hauffen der Verechter.

Weinstu nicht / das Isaias diesen Text
Dauids mit vreis gelesen habe / da er spricht /
Cap. 9. Ein Kind ist vns Geboren / Ein Son
ist vns gegeben / des Herrschafft ist auff sei-
ner Schulter / Vnd sein Name heisst / Wun-
derbar / Kat / Gott / Welt / Ewig Vater /
Friede Fürst / Das seine Herrschafft gros
werde / vnd des Friedes kein ende / auff dem
Stuel Dauids vnd seinem Königreich / das
ers zurichte vnd stercke mit gericht vnd ge-
rechtigkeit / von nu an bis in ewigkeit. Die
nimpt Isaias dem Nathan das wort aus
dem Munde / da er von Messia weissagt / das
er ein Ewiger König vnd Vater sein sol / in
Gottes Reich / vnd er nennet in auch / Gott /
denn das wort El / heisst wol nach den buch-
staben / Krafft. Aber wens ein eigen name
ist (wie hie) so heisst Gott durch die gantze
Schrift / der allein Krafft hat / wie das beide
Juden vnd Ebreisten bekennen müssen. So
stimmet nu Isaias mit Dauid vnd dem newen
Testament / Das Christus sey ein Ewiger
König vnd rechter Gott / Darumb mus sein
Reich ein Göttlich ewiges Reich sein / auff
dem Stuel Dauids zc.

S ij Denn